

տիպեալ է սպասել Կուսակալն ասէ, զարմանք, խօսա-
քեանն և ճարտարապետն աւարտեալ զզաչտօնս իւրեանց՝
առին զգրեանս և և մեկնեցան անտի, Մուվէլլայն սպասէ
թէ տակաւին գործն թերի՛ է՝ այլ ևս զի՞նչ խնդրէք .
վարդապետք ասեն, ըստ հրամանի արքային և հաճու-
թեանք երկուց ազգաց ՚ի դատաստանին Հայք ևս բաժա-
նորդ լինել ընդ Յունաց յորոշեալ տեղիս, երկարեցան
բանք ՚ի վերայ այոր խնդրոյ իբր կէս ժամ Կուսակալն
ասէ՝ իրաւունքն ՚ի ձեռս Յունաց է, զի յառաջագոյն ՚ի
դատին ընդ Լատինս ցուցին ինձ զգաշնագիրն Օմարայ և
շէլիմայ հրովարտակն, զորս դուք ոչ ունիք: Վարդա-
պետք, ՚ի մեծի դատին առաջի Դենպետին և Նախարարաց
՚ի ժողովի անդ ընթերցան զայնոսիկ, և ըստ այնմ գրե-
ցաւ Իլամ և տուաւ Արքայի, և ել ապա արտաքս նշանա-
կեալ կարմրագեղով տալ հրովարտակ երկուց ազգաց ըստ
մտաց և ՚ի նոսին բովանդակեցան բանք հրովարտակացն
Սէլիմայ, և Հայք ըստ մտաց նորին Իլամին պահանջին .
սակայն ոմանք ազահութեամբ միոյ կողման պաշտպան
եղեն ընդդէմ հրովարտակին, և միւսոյ կողման բռնու-
թեամբ պատասխանեցին . այլ դուք որ երեք թուղով Վե-
զիր և Իշխան գաւառիս էք և մին ՚ի պալատականաց Ար-
քայի, յուսամք թէ առաւել փոյթ տանիք ՚ի կատարունն
և ՚ի գործադրութիւնն Կայսերական հրամանին՝ զի Հայք
ևս հպատակ են Տէրութեան: Ապա եհարց թէ որպէս
եղեւ քննութիւնն՝ և որոշումն ո՞ւր եղերեցաւ: Ասացին՝
առաջի բազմութեան այլազգեաց, և գրեցաւ, և մեք ևս
՚ի զննին կայք ընդ այլոց, և յորժամ կամեցաք լինել
վերահասու, ասացին, թէ չէ պարտ գիտել ձեզ նախ
քան զառաքելն զայն առ Տէրութիւնն և գալ պատասխանի
նորին: Կուսակալն, եթէ այդպէս է զի՞նչ արարիք ՚ի Ս. Յա-
րութիւն: Ասացին, զինի շինութեան Տաճարին այնորիկ,
ոչ էին կախեալ պատկերք և կանթեղք մեր, այժմ զնոսա
միայն կարգաւորեցաք . սակայն ունիմք տակաւին պակա-
սութիւն բազում անդ . իսկ ՚ի Բեթղեհէմ և ՚ի Ս. Աստուա-
ծածին յուսամք թէ հրամանաւ մեծութեան ձերոյ կա-
տարին ամենեքեան . Գարտուղարն ասէ՝ որո՞յ հրամանաւ
կախեցան կանթեղքն և պատկերքն այնոքիկ: